

A judé tl Abruzzo

Nce artejans de Südtirol juda pea tl raion che ie unì tucà dal tremot.
Danter chisc nce lauranc dla dita Hofer Group de S. Cristina

Soziel - Doi artejans de Gherdëina, Franzotto Senoner y Rudi Insam, ie jic a ti judé a chiche ie unii tuchei dal bur' tremot de chëst ann tl Abruzzo. N mierculdi ai 8 de lugio ie doi auti cun jënt, calons per l'ega da beber y per l'eghes fosces piei via canche l stlaiova di, de viers dla zità dl'Aquila

tl Abruzzo, per ruvé tl luech de San Panfilo, ulache lauranc dla Provincia de Bulsan y artejans de Südtirol juda pea a fé la nfrastutures per l luech tucà dassënn dal tremot. L paes iló dlongia de San Felice, tl pitl chemun de Ocre, ie unì desdrù belau defin dal gran tremot. Per fertuna ne à i lauranc te si valgun

dis de lëur nia abù vel' da scosses de assestamënt de tremot, coche n dij. La jënt dl Abruzzo ie mo scialdi tucheda y velch dorm sën, do doi mënc, for mo te tendes dla prutezion zevila. Na lauda y n gra ti va ai doi lauranc Franzotto Senoner y Rudi Insam che ie ënghe jic pea a judé. (ed)



Franzotto Senoner y Rudi Insam tl Abruzzo.

